

ERA CRASTA

Numerò 27 · Noveme 2003

Impresi sense adreça

XVIIau Concors de Bestiar dera Val d'Aran

F

Eth passat dia 8 d'octobre se celebrèc era Hèira de Vielha, e un des actes mès representatius dera madeisha siguec era celebracion deth XVIIau. Concors de Bestiar dera Val d'Aran. En eth i participèren 35 pagesi damb bestiar vacum, cavalham, de lan e crabum.



Entrega de prèmis. Fotos Val Color



Entrega der incentiu de participacion. Fotos Val Color

Cau remercar que d'aguesti pagesi, ni auec 21 que presentèren bestiar cavalham que siguec eth bestiar mès representat.

Er Ajuntament de Vielha-Mijaran, ath delà d'aufrir un esdejoar popular entà toti es que i voleren anar, hec entrèga d'un incentiu de participacion a toti es pagesi que s'inscriueren en concors.

SUMARI

1

XVIIau Concors de Bestiar dera Val d'Aran

Sollicitud de subvencions ath puosc

2

Registre d'Installadors de Telecomunicacions de Catalonha.

Sigam Solidaris.

Recuelhuda de materiau esportiu

Crompa des terrenes de Tuca

3

Nau servici dera Oficina de Joenessa

Restriccion de Pas en Túnel de Vielha

Eth spinning, eth nau esport deth Palai de Gèu

4

Prèmi Literari entà un Aranés

Sollicitud de subvencions ath puosc

E

Er Ajuntament de Vielha-Mijaran a presentat un seguit d'accions prioritàries entàs diuersi pòbles deth municipi tara convocatòria deth Pla Unic d'Obres i Serveis de Catalonha (PUOSC) entath periòde 2004-2007. Es projectes presentadi son es que seguissen, e entà que coneishes quini seràn es que se poderàn desvolopar, calerà demorar enquia qu'era Generalitat de Catalonha apròve definitivament eth PUOSC, qu'ei quan se mos comunicarà quini d'aguesti projectes entraràn en aquestes subvencions.

EMD d'ARRÒS e VILA
Ampliacion e rehabilitacion dera bastissa sociu en Vila. Fasa I. Entar an 2007

EMD de VILAC
Urbanizacion integráu deth Carrèr dera Còsta de Vilac. Fasa I, Entar an 2006
Urbanizacion integráu deth Carrèr dera Còsta de Vilac. Fasa II, Entar an 2006

EMD de BETREN
Urbanizacion integráu deth Carrèr Major de Betren. Entar an 2004

EMD d'ESCUNHAU e CASARILH
Apraiament de carrèrs en pòble de Casarilh. Fasa I. Entar an 2004
Apraiament de carrèrs en pòble de Casarilh. Fasa II. Entar an 2006

EMD de CASAU
Urbanizacion integráu dera Plaça Naua de Casau. Fasa I. Entar an 2004
Urbanizacion integráu dera Plaça Naua de Casau. Fasa II. Entar an 2004

EMD de GAUSAC
Urbanizacion integráu deth Carrèr Major de Gausac. Fasa I. Entar an 2005
Urbanizacion integráu deth Carrèr Major de Gausac. Fasa II. Entar an 2006

EMD d'AUBÈRT
Urbanizacion deth carrèr Sant Estèue de Montcorbau. Fasa I. Entar an 2004
Urbanizacion deth carrèr Sant Estèue de Montcorbau. Fasa II. Entar an 2004
Urbanizacion integráu deth carrèr Major e dera Plaça Major d'Aubèrt. Fasa I. Entar an 2005
Urbanizacion integráu deth carrèr Major e dera Plaça Major d'Aubèrt. Fasa II. Entar an 2005.

Registre d'Installadors de Telecomunicacions de Catalonha.

Era Secretaria de Telecomunicacions e Societat dera Informacion a hèt a arribar en aquest Ajuntament ua carta ena quau se comuniqua que quinevolh persona fisica o juridica que volgue porta a tèrme activitats d'installacion e manteniment d'equips o de sistèmas de telecomunicacions a d'èster inscrita en Registre d'Installadors de telecomunicacions de Catalonha.

Aguesta inscripcion signifiqua ua garantia entath ciutadan, ja qu'atau s'acredita eth compliment d'uns requisits minims qu'asseguren ua capacitat tecnica adequada, atau coma dispausar des equipaments apropiadi.

Entà toti aqueri installadors qu'agen de besonh de mès informacion sus aquest ahèr o ben hèr quinevolha consulta, ac pòden hèr ena web – <http://dursi.gencat.net/stsi/ict>.

Sigam Solidaris.

Era escola d'idiòmes dera Val d'Aran, The English Planet, damb eth supòrt de GUM FM recuelherà ròba d'iuèrn, pendent es mèsi de gèr e hereuèr de 2004, qu'anarà destinada ara gent dera zòna afectada pera guèrra civila de Bòsnia-Herzegovina.

Era intencion ei enviar era maxima quantitat de ròba d'esquí, fòrros polars, ròba d'iuèrn e complements d'esquí coma son es guants, gòrros, lunetes de solei, michons, eca., nauï o ben de dusau man, tostemp que siguen en bon estat.

Eth clima dera region de Sarajevo ei plan semblat ath nòste, damb iuèrns fòrça heireds, per çò qu'eth sòn maxim besonh en aguesti moments ei era ròba d'iuèrn.

En un moment dat, eth sòn nivèu de vida ère fòrça semblat ath nòste. Existissen nombroses estacions d'esquí e organizèren

es Jòcs Olímpics d'Iuèrn de 1984. Mès, coma dejà sabem, dempús de cinc ans de guèrra civila ac an perdut tot. Trabalhant amassa auram era oportunitat de compartir era nòsta sòrt damb es mens afortunadi.

Se vos platz, consideratz aguesta peticion e s'auetz ròba d'esquí, fòrros polars, ròba d'iuèrn o ben complements d'esquí ja siguen nauï o ben de dusau man en BON ESTAT entà dar –les, sauvatz-les enquiara data de recuelhuda.

Er orari e eth lòc vo'lo comunicaram ena CRAFTA deth mes de deseme.

Fòrça gràcies a toti pera vòsta solidaritat.

The English Planet – GUM FM

Recuelhuda de materiau esportiu

Era Escola de fòtbol dera Union Esportiva Lhèida, damb eth supòrt dera Generalitat de Catalonha, dera Deputacion, der Ajuntament de Lhèida e dera Federacion Catalana de Fòtbol, an metut en marcha ua campanha solidària nomentada "Lhèida Solidària" entà recuelher materiau esportiu de dusau man, en bon estat, entà poder distribusir-lo entre es collectius mès desfavoridi dera societat.

Era recuelhuda se harà mejançant uns contenadors que se plaçaràn en diuersi lòcs de cada pòble, e eth C.F. Vielha, amassa damb er Ajuntament de Vielha-Mijaran, eth Palai de Gèu, e era Escola de Fòtbol, a previst installar dus d'aguesti contenadors, un en Palai de Gèu, e er aute en Bar deth Camp Municipau de Fòtbol de Vielha.

Per tant, toti aqueri qu'ajatz materiau esportiu que ja non vos servisque (coma samarretes, pantalons, pantalons cuerts, sabates

esportives, chandals, pilotes de quinevolh esport etc.), mès sustot que sigue en BONES CONDICIONS, vos arregrairièm que lo portèssetz ben **tath Palai de Gèu de Vielha** en orari que seguís:

Laboraus : Des 08.30 enquiàs 22.00

Dissabtes e hèstes: D' 11.00 a 14.00 or. e de 16.30 a 21.00 or.

o ben **tath Camp Municipau de Fòtbol de Vielha** es dies que i age partit deth C.F. Vielha, ei a dèder :

Dimenge dia 23 de noveme des 15,30 as 17,30 or.

Dimenge dia 30 de noveme des 15,15 as 17,15 or.

Dimenge dia 7 de deseme des 15,15 as 17,15 or.

Dimenge dia 21 de deseme des 15,15 as 17,15

Era campanha de recuelhuda començarà a compdar deth 23 de noveme e acabarà eth dia 21 de deseme.

Crompa des terrens de Tuca

Era Ajuntament de Vielha-Mijaran a prevista era crompa de 7 finques, sies des quaus son rustiques e era auta urbana, plaçades ena montanha d'Artigarich. Entre aquestes finques i a includit eth parcatge dera estacion d'esquí de TUCA.

Entà poder comprar aquesti terrens, er Ajuntament de Vielha Mijaran aprovèc era concertacion d'ua operacion de credit per un impòrt de 481.062,71 €

Nau servici dera Oficina de Joenessa

A Eth Departament de Joenessa deth Conselh Generau d'Aran tamb er objectiu d'apropar era Oficina de Joenessa ath joen dera Val d'Aran amie a tèrme nau projèctes e nau servicis, que s'ajudar un shinhau mès ath joen a resòlver dubtes en matèries que l'afècten dirèctament.

En aguesta linha s'acabe de daurir un nau servici adreçat as joeni e joenes dera Val d'Aran "assessorament

academicolaborau". Non sabi qué estudiar? Quan m'è de matricular? Pogui demanar ua bèca? Eth mèn contracte... Son quauqu'ues des preguntes que soent se hèn es joeni e qu'a compdar d'ara les ac vam a poder solucionar ena Oficina de Joenessa deth Conselh Generau d'Aran.

Aguesta ei ua iniciativa emmarcada laguens deth PLAN GENERAU DE JOENESSA DERA VAL D'ARAN.

Restriccion de Pas en Túnel de Vielha

A Enquith dia 28 de noveme, e de deluns a diuendres, i aurà restriccions de pas peth Túnel de Vielha. Es oraris seràn:

Des 21.00 enquiàs 23.00 or. se darà pas alternatiu enes dus sentits

Des 23.00 enquiàs 06.00 or. quedarà barrat ath trànsit

Des 06.00 enquiàs 08.00 se darà pas alternatiu enes dus sentits.

Tàs emergéncies e tàs servicis d'urgéncies se darà eth pas que sigue de besonh en cada moment.

Entà qu'es usuaris poguen auer mès informacion, era empresa responsabla a abilitat un telèfon pendent es 24 ores deth dia, aguest numerò ei eth 973 64 14 96.

Eth spinning, eth nau espòrt deth Palai de Gèu

E A compdar de meitat de noveme se poderà practicar en Palai de Gèu er SPINNING, ua naua modalitat esportiva que se practique damb bicicleta estatica en tot pedalar ath son dera musica e seguint es instruccions deth monitor/a.

Ei ua activitat esportiva, non competitiva, damb un plan naut nivèu de motivacion e un eficaç entrenament cardiovascular que se desvolope en grop e qu'ei apte sense distincion de sèxes e entà totes es edats, en tot auer un seguit de avantatges plan beneficioses entara salut:

Melhere es sistèmes cardiovascular e respiratòri. Ajude ath contròtle dera tension arteriau

Melhere era utilizacion des resèrves energetiques
Collabòre en contròtle deth pes

Elimine toxines mejançant era transpiracion dera pèth
Tonifique era musculatura deth tren inferior e deth còr.
Aumente eth nivèu de concentracion e motivacion personau
Redusís e elimine era tension e er strees diari.

Era activitat serà de franc entàs abonadi e entà auer mès informacion sus es oraris podetz demanar-la en madeish palai o ben trucant tath 976 64 28 64



Prèmi Literari entà un Aranés

Eth passat dia 6 de noveme, auec lòc en Salon Sant Jordi deth Palai dera Generalitat de Catalonha, er acte d'entrèga de prèmis corresponent ath 21au. Certamen Literari Infantil e Juvenil en aumenatge a Joan Salvat-Papasseit, Joan Miró e Frederic Mompou.

En nomentat acte, er alumne deth CEIP Garona de Vielha, Carlos Español Espinel, obtienguèt eth tresau prèmi de literatura, ena sua categoria d'edat, pera poesia "EL MAR".

Eth prèmi siguec entregat peth Sr. Pere Solà i Montserrat qu'ei eth Director General d'Ordenacion e Innovacion Educativa dera Generalitat de Catalonha,



EL MAR

Aquella mar blava
tan blava i tan bonica
com el cel.

Mar blava, mar
blava. Que sembles
una dama amb un vestit
llucent.

Mar blava, mar
blava, tu infinita
que t'extens de
costat a costat del món.

Mar blava, mar
blava. Cada cop
més salada, cada
cop més misteriosa.

Tant com les
teves onades de
plata.



Carlos Español Espinel

NÒTA: Se vòs participar en ERA CRASTA, ac pòs her en tot envià-mos era tua collaboracion ja siguec per corrèu ara adrèça
AJUNTAMENT DE VIELHA c/ Sarriulèra 2, 25530 VIELHA, ben per Fax ath numerò
973 64 05 37 o ben per corrèu electronic, e-mail: ayuvielha@aranweb.com

D.L.: L-222-01